

Na osnovu Programa utroška namjenskih sredstava prikupljenih od naknade za zakup sportsko-privrednih lovišta za 2023. godinu, broj: 02-11-5903/23 od 11.04.2023. godine, Ministarstvo za poljoprivredu, šumarstvo i vodoprivredu Zeničko-dobojskog kantona, objavljuje

## **JAVNI POZIV**

**za dodjelu namjenskih sredstava u oblasti lovstva iz Budžeta Zeničko-dobojskog kantona–  
Ministarstva za poljoprivredu, šumarstvo i vodoprivredu za 2023. godinu**

### **I PREDEMET JAVNOG POZIVA**

Predmet Javnog poziva je prikupljanje prijava-projektnih prijedloga za dodjelu sredstava Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo) s pozicije 614 300 NAC 903-Tekući transfer udruženjima od zakupa korištenja sportsko-privrednih lovišta za 2023. godinu („Službene novine Zeničko-dobojskog kantona“, broj: 3/23).

### **II KRATAK OPIS PROJEKATA, CILJEVI PROJEKATA**

Javni poziv se raspisuje u cilju finansiranja/sufinansiranja projekata za unapređenje lovstva na području Zeničko-dobojskog kantona prema Programu utroška namjenskih sredstava prikupljenih od naknade za zakup sportsko-privrednih lovišta za 2023. godinu, broj: 02-11-5903/23 od 11.04.2023. godine. Članom 51. Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14), (u daljem tekstu: Zakon o lovstvu) unapređivanjem lovstva smatra se: zaštita, održavanje i poboljšanje životnih uslova divljači u lovištu (poboljšavanje ispasišta, dodatno hranjenje, održavanje solila i pojilišta), dostizanje i održavanje odgovarajuće spolne i starosne strukture pojedinih vrsta divljači u okviru utvrđenog kapaciteta lovišta, unošenje novih vrsta divljači u lovište, čuvanje i zaštita divljači i lovišta izgradnja lovno-uzgojnih i lovno-tehničkih objekata, poduzimanje mjera za smanjenje šteta koje počinu divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavka rasnih lovačkih pasa i izdavačka djelatnost.

### **III UKUPAN IZNOS RASPOLOŽIVIH SREDSTAVA**

Sredstva za finansiranje/sufinansiranje projekata su osigurana u Budžetu Zeničko-dobojskog kantona za 2023. godinu, na poziciji 613 400 NAC 903-Tekući transfer udruženjima od zakupa korištenja sportsko-privrednih lovišta, u iznosu od 20.000,00 KM (slovima: dvadesethiljada konvertibilnih maraka), koji čini ostvareni priliv sredstava za tekuću lovnu godinu za 2022/2023. godinu u iznosu od 13.458,65 KM iznos nerealizovanih sredstava od 7.901,55KM, koji čini iznos od 6.481,55 KM nerealizovana sredstva iz prethodnog perioda i iznos na ime zakupnine za lovnu 2022./2023. godinu od 1.420,00 KM uplaće od strane Lovačkog društva „FAZAN“, Usora dana 16.12.2022. godine.

Iznos dodijeljenih sredstava za finansiranje ili sufinansiranje projekata, po korisniku lovišta može biti jednak ili manji u odnosu na uplaćeni iznos 60% zakupnine za lovnu 2022/2023. godinu u Budžet Zeničko-dobojskog kantona, a ista mogu biti i uvećana samo Udruženjima građana/Lovačkim društvima za iznos zakupnine koju nisu iskoristili u prethodnim godinama.

### **IV PRAVO UČEŠĆA**

Pravo učešća na Javni poziv imaju korisnici lovišta koji sa Ministarstvom za poljoprivredu, šumarstvo i vodoprivredu Zeničko-dobojskog kantona imaju zaključen ugovor o zakupu sportsko-privrednog lovišta na područja Zeničko-dobojskog kantona.

### **V USLOVI ZA UČEŠĆE**

Da bi podnosioci prijava mogli učestvovati u ovom Javnom pozivu, moraju ispuniti slijedeće uslove:

- Organizacija/Udruženje uredno registrirano u skladu sa Zakonom o udruženjima i fondacijama,
- Važeći ugovor o zakupu lovišta sa resornim ministarstvom,
- Važeći godišnji plan gospodarenja za tekuću lovnu godinu,

- Dokaz o izmirenim obavezama prema važećem ugovoru o zakupu lovišta u skladu sa Zakonom o lovstvu FBiH.

## VI POTREBNA DOKUMENTACIJA

Podnosioci prijave iz tačke IV ovog Javnog poziva trebaju priložiti sljedeću dokumentaciju:

1. Popunjen, potpisan i ovjeren prijavni obrazac od lica ovlaštenog za zastupanje i predstavljanje udruženja (koji se može preuzeti na web stranici Zeničko-dobojskog kantona, [www.zdk.ba](http://www.zdk.ba) u dijelu Javni pozivi) i mora sadržavati popunjene sve tražene podatke,
2. Projekat (projektni zahtjev),
3. Izvod iz Registra udruženja Zeničko-dobojskog kantona (original, ne stariji od 3 mjeseca),
4. Dokaz o izmirenim obavezama prema važećem ugovoru o zakupu lovišta (fotokopija ili original uplatnica ili izvod od banke kao dokaz o uplati zakupnine Zeničko-dobojskom kantonu, Jedinici lokalne samouprave i Federaciji Bosne i Hercegovine),
5. Izjavu ovjerenu i potpisanu od ovlaštenog lica za zastupanje o visini vlastitog učešća u implementaciji kandidovanog projekta, sa naznačenim iznosom vlastitog učešća (IZ-1). Ako postoji partner na projektu, uz izjavu dostaviti dokaz o visini sredstava kojima će isti sufinansirati projekat (sporazum o saradnji ili ugovor). Ukoliko je projekat sufinanciran iz više izvora, u prijavnom obrascu upisati finansijsku konstrukciju, u suprotnom projekat neće biti uzet u razmatranje.

Svi dokumenti koji se prilažu uz prijavu moraju biti original ili ovjerene kopije. Ministarstvo nema obavezu vraćanje dokumentacije pristigle na Javni poziv.

## VII KRITERIJI ZA OCJENU PRIJAVA I ODABIR KORISNIKA

Sredstva iz tačke III Javnog poziva rasporedit će se prema slijedećim kriterijima:

**1. Visina uplate zakupa za korištenje lovišta koju je korisnik lovišta uplatio za lovnu 2022/2023. godinu.** Vrednovanje na osnovu ovog kriterija vrši se na slijedeći način:

Podnosilac prijave koji je za korištenje lovišta za lovnu 2022/2023. godinu, uplatio najveći iznos zakupnine za korištenje lovišta dobiva maksimalnih 7 (sedam) bodova, a svaki naredni dobiva po 1 (jedan) bod manje i tako redom. Korisniku lovišta koji je u lovnoj 2022/2023. godini uplatio najniži iznos zakupnine dodjeljuje se 1 (jedan) bod.

**2. Značaj aktivnosti sa aspekta unapređenja lovstva.**

Vrednovanje po osnovu ovog kriterija vrši se na slijedeći način:

|                                                                                                                                             |                 |
|---------------------------------------------------------------------------------------------------------------------------------------------|-----------------|
| - finansiranje/sufinansiranje izgradnje lovno-uzgojnih objekata (pojila, hranilišta, solila, spremišta za hranu, automatske hranilice i sl. | 8 (osam) bodova |
| - finansiranje/sufinansiranje izgradnje lovno-tehničkih objekata (čeke, kolibe, staze, hladnjače za divljač i sl.)                          | 6 (šest) bodova |
| - nabavka hrane za dodatnu prihranu divljači                                                                                                | 4 (četiri) boda |
| - nabavka rasnih lovačkih pasa                                                                                                              | 2 (dva) boda    |

Postupak pregleda prijave za dodjelu sredstava iz Javnog poziva izvršit će Komisija za utvrđivanje i provođenje ovog Javnog poziva koju će imenovati ministar Ministarstva za poljoprivredu, šumarstvo i vodoprivredu Zeničko-dobojskog kantona. Svaki član Komisije potpisat će izjavu o nepristrasnosti i povjerljivosti. Komisija će utvrditi formalnu ispravnost istih u smislu njihove blagovremenosti, potpunosti, urednosti i na osnovu kriterija iz ovog Javnog poziva provesti ocjenu bodovanja.

## VIII NAČIN PODNOŠENJA PRIJAVA

Prijave se dostavljaju u zatvorenoj koverti na protokol Zeničko-dobojskog kantona, lično ili putem pošte. Podnosioci zahtjeva na ovaj Javni poziv mogu kandidovati jedan ili dva projekta.

Na koverti čitko napisati:

**MINISTARSTVO ZA POLJOPRIVREDU, ŠUMARSTVO I VODOPRIVREDU  
ZENIČKO-DOBOJSKOG KANTONA  
Kučukovići broj 2, 72000 Zenica**

**Javni poziv za dodjelu namjenskih sredstava u oblasti lovstva iz Budžeta Zeničko-dobojskog kantona-Ministarstva za poljoprivredu, šumarstvo i vodoprivredu za 2023. godinu**

**„NE OTVARAJ-Komisija za utvrđivanje i provođenje Javnog poziva“**

**IX ROK ZA PODNOŠENJE PRIJAVA**

Rok trajanja ovog Javnog poziva je 30 (trideset) dana od dana objavljivanja na web stranici Zeničko-dobojskog kantona, [www.zdk.ba](http://www.zdk.ba). Prijave dostavljene nakon isteka roka iz Javnog poziva vraćaju se podnosiocima neotvorene.

**X RAZMATRANJE PRIJAVA**

Neće se uzeti u dalje razmatranje prijave dostavljene po Javnom pozivu:

- koje su neblagovremene (prijave dostavljene nakon isteka roka za dostavljanje prijava na ovaj Javni poziv),
- koje ne sadrže kompletnu dokumentaciju koja se traži ovim Javnim pozivom,
- koje svoj projekat sa dokumentacijom ne dostave u zatvorenoj koverti sa naznakom kako je navedeno u Javnom pozivu,
- koje ne sadrže u potpunosti popunjen prijavni obrazac i izjavu (obrazac: IZ-1), potpisani i ovjereni od ovlaštene osobe za zastupanje,
- ako se kandiduju projekti koji nisu predmet ovog Javnog poziva.

**XI OBAVJEŠTENJE O DISKVALIFIKACIJI I PRIGOVOR**

Podnosioci čije prijave ne budu ispunjavale formalno pravne uslove biti će o tome obaviješteni u pisanoj formi. Protiv dostavljene obavijesti podnosioci mogu podnijeti prigovor Ministarstvu za poljoprivredu, šumarstvo i vodoprivredu Zeničko-dobojskog kantona u roku od 3 (tri) dana od prijema obavijesti. O prigovoru odlučuje ministar Ministarstva, a odluka o prigovoru je konačna. Nakon dostavljenog izvještaja komisije, ministar Ministarstva utvrđuje konačnu rang listu uspješnih projekata za finansiranje/sufinanciranje u skladu sa raspoloživim sredstvima. Ministarstvo će nakon utvrđene konačne rang liste prema Vladi Zeničko-dobojskog kantona uputiti prijedlog odluke o odobravanju sredstava.

**XII SPREČAVANJE SUKOBIA INTERESA**

Svaki član komisije biti će isključen iz postupka dodjele sredstava ukoliko se utvrdi da je u sukobu interesa u odnosu na podnosioca prijave.

Podnosioci prijave imaju mogućnost da Ministarstvu za poljoprivredu, šumarstvo i vodoprivredu Zeničko-dobojskog kantona prijave sumnju na postojanje sukoba interesa, a Ministarstvo će odlučiti po svakoj prijavi.

Broj: 05-22-4854-1/23

Zenica, 26.04.2023. godine



**MINISTAR**

**Vinko Marić**

**OBRAZAC PRIJAVE ZA JAVNI POZIV**  
**za raspodjelu sredstava iz tekućeg transfera udruženja za zakup sportsko-privrednih lovišta**

|                                                                                   |
|-----------------------------------------------------------------------------------|
| <b>1. NAZIV LOVAČKOG DRUŠTVA/UDRUŽENJA</b>                                        |
| <b>2. ADRESA PODNOSIOCA</b><br>(ulica, broj, mjesto, poštanski broj, općina/grad) |
| <b>3. BROJ TELEFONA, FAX, MOBITEL, E-MAIL</b>                                     |
| <b>4. IME I PREZIME ODGOVORNE OSOBE ZA ZASTUPANJE</b>                             |
| <b>5. KONTAKT OSOBA, TELEFON, MOBITEL</b>                                         |
| <b>6. IDENTIFIKACIONI BROJ (BROJ POREZNOG OBVEZNIKA)</b>                          |
| <b>7. TRANSAKCIJSKI BROJ I NAZIV BANKE</b>                                        |
| <b>8. NAZIV PROJEKTA</b>                                                          |
| <b>9. KRATAK OPIS I CILJ PROJEKTA</b>                                             |
| <b>10. OČEKIVANI EFEKTI PROJEKTA</b>                                              |

**11. PREDRAČUNSKA VRIJEDNOST SA PRIJEDLOGOM KONSTRUKCIJE FINANSIRANJA**

- a) Lovačko društvo/udruženje \_\_\_\_\_ KM
- b) Kanton (Ministarstvo za poljoprivredu,  
šumarstvo i vodoprivredu) \_\_\_\_\_ KM
- c) Drugi investitori- \_\_\_\_\_ KM  
(naziv investitora)

UKUPNO: \_\_\_\_\_ KM

**12. UZ PRIJAVU PRILAŽEM SLIJEDEĆU DOKUMENTACIJU**

Mjesto \_\_\_\_\_

Datum \_\_\_\_\_

MP

Potpis podnosioca prijave

\_\_\_\_\_

**I Z J A V A**  
**o finansiranju/sufinansiranju projekta**

**Ja, odgovorno lice za zastupanje**

\_\_\_\_\_  
Lovačko društvo/Udruženje, ID broj podnosioca zahtjeva)

Pod punom moralnom, materijalnom i krivičnom odgovornošću, izjavljujem da u implementaciji kandidovanog projekta \_\_\_\_\_ (naziv projekta) ima/nema vlastitog učešća (zaokružiti ponuđenu opciju), \_\_\_\_\_ KM (navesti iznos vlastitog učešća), ima/nema partnera u implementaciji za kandidovani projekat (zaokružiti ponuđenu opciju), \_\_\_\_\_ (navesti naziv partnera), \_\_\_\_\_ KM (navesti iznos drugih izvora za finansiranje).

Uz ovu izjavu dostavljam sporazum o saradnji ili ugovor o visini (zaokružiti ponuđenu opciju) sredstava kojima će se sufinansirati projekat.

Mjesto i datum:

Podnosilac prijave:

M.P.